

ՀԱՅԿԱՌՈՑ ԳԻՏՈՒԹՅԱՆ ՀԱՂԱՐԴՈՒԹՅՈՒՆՆԵՐ

Վ. Մ. Նուրբաջյան

ՄԵԿՈՒՍԱՑՎԱԾ ԻՆՔՆԱՓՈՇՈՏՄԱՆ ԱՃԴԵՑՈՒԹՅՈՒՆԸ
ԲԱՍԲԱԿԵՆՈՒ ՎՐԱ

Մեկուսացված ինքնափոշոտման ազդեցություները բամբակենու վրա պարզելու համար 1947 թվին Հայկական ՍՍՌ Գիտությունների Ակադեմիայի Գենետիկայի և Սելեկցիայի Ինստիտուտում բամբակենու 0246, 1298, 915 և Շրեդեր սորտերի վրա դրեցինք փորձ՝ հետևյալ վարիանտներով.

1. առանձին ծաղիկների ինքնափոշոտում, մեկուսացուցիչների մեջ,
2. բնական ինքնափոշոտում՝ որպես ստուգիչ:

Նրկու ղեկավարում էլ բնորեն ենք բույսերի պտղատու ճյուղերի առաջին ծաղիկները՝ բացվելուց մեկ օր առաջ: Մեկուսացուցիչի տեսական ազդեցությունից խուսափելու համար փոշոտումից անմիջապես հետո այն հեռացրել ենք: Այդ ծաղիկներից ստացված սերմերը ցանել ենք 1948 թվին:

Մեկուսացված և բնական ինքնափոշոտված ծաղիկների սերմերից ստացված բույսերի վրա կատարված ֆենոլոգիական դիտողությունները ցույց տվին, որ մեկուսացված ծաղիկներից ստացված սերմերի ծլունակությունը բարձր է և ծլումը դաշտային պայմաններում ավելի արագ է կատարվում, քան բնական պայմաններում փոշոտված ծաղիկներից ստացված սերմերինը: Սրան հակառակ, կենսունակ բույսերի թիվն ավելի բարձր է բնական ինքնափոշոտումից ստացված սերմերի սերնդում: Այս հանգամանքն անհամեմատ թույլ է արտահայտված 0246 սորտի մոտ և ավելի ակնհայտ է 1298 սորտում:

Բույսերի սկզբնական տերևների առաջացման վերաբերյալ կատարված դիտողությունները, որ բերում ենք № 1 աղյուսակում, ցույց են տալիս, որ մեկուսացված ինքնափոշոտումից ստացված բույսերի սկզբնական տերևները երևում են 1—6 օր ավելի շուտ, քան բնական ինքնափոշոտումից ստացված բույսերի մոտ:

Հետազայում, առանձնապես հասունացման շրջանում եղած այդ տարբերությունը սորտի սահմաններում, հիմնականում վերանում է. բացառությամբ 915 և Շրեդեր սորտերի, որոնցում բնական ինքնափոշոտումից ստացված բույսերը 1—2 օրով ավելի շատ են հասունանում, քան մեկուսացման դեպքում:

1947 թ. մեկուսացված ծաղիկներից ստացված բույսերի վրա հաջորդ տարում կատարել ենք ծաղիկների կրկնակի մեկուսացում, իսկ բնական ինքնափոշոտումից ստացված բույսերի ծաղիկներից խողել ենք դարձյալ բնական ինքնափոշոտման համար: Կրկնակի մեկուսացված և ազատ ինքնափոշոտումից ստացված բույսերի բերքի՝ հումքի և սերմերի կշռի, ինչպես նաև սերմերի քանակի մեջ եղած տարբերությունները պարզելու նպատ-

Մեկուսացված և բնական ինքնափոշոտումից ստացված բույսերի սկզբնական տե-
րենների առաջացման գինամիկան

Աղյուսակ 1

№	Սորտ	Վ ա ռ ի ա ն տ	Տերմների երեւոյր				
			I	II	III	IV	V
1	0246	Մեկուսացված ինքնափոշոտում . . .	25/V	3/V1	7/V1	10/V1	14/V1
		Բնական ինքնափոշոտում	31/V	2/V1	9/V1	14/V1	18/V1
2	1298	Մեկուսացված ինքնափոշոտում . . .	31/V	3/V1	6/V1	10/V1	13/V1
		Բնական ինքնափոշոտում	3/V1	4/V1	9/V1	14/V1	18/V1
3	915	Մեկուսացված ինքնափոշոտում . . .	30/V	3/V1	8/V1	11/V1	16/V1
		Բնական ինքնափոշոտում	31/V	3/V1	8/V1	12/V1	15/V1
4	Շրեդեր	Մեկուսացված ինքնափոշոտում . . .	3/V1	7/V1	10/V1	12/V1	15/V1
		Բնական ինքնափոշոտում	3/V1	8/V1	11/V1	14/V1	18/V1

սակով կատարել ենք լաբորատորիական անալիզներ յուրաքանչյուր վարի-
անախց հարյուրական կնդուղի վրա, որոնց միջին ավյալները բերում ենք
2-րդ աղյուսակում:

Գրկնակի մեկուսացման բաղասական աղղեցութիւնը բամբակենու հումքի, սերմերի
կշռի և նրանց բանակի վրա

Աղյուսակ 2

№	Սորտ	Մեկ կնդուղի միջին ավյալները								
		Գրկնակի մեկուսացված ծաղիկներ			Բնական ինքնափոշոտված ծաղիկներ			Բնական ինքնափոշոտման բերքի հարարերությունը կրկնակի մեկուսացվածի հետ արտահայտ. 0,0-100		
		Հումքի կշիռ գր.	Սերմերի կշիռ գր.	Սերմերի թիվը	Հումքի կշիռը գր.	Սերմերի կշիռը գր.	Սերմերի թիվը	Հումք	Սերմերի կշիռը գր.	Սերմերի թիվը
1	0246	4,2	2,9	23,8	4,5	3,5	24,6	107,4	120,7	103,4
2	1298	3,5	2,3	24,3	4,4	2,3	33,4	120,3	121,7	137,4
3	915	5,0	3,2	26,3	5,6	3,3	32,0	100,0	103,1	121,6
4	Շրեդեր	3,6	2,5	27,4	3,9	2,7	29,4	108,5	108,0	107,3

2-րդ աղյուսակում բերված ավյալները ցույց են տալիս, որ բնական ինքնափոշոտված սերմերի բույսերից ստացված հումքի կշիռը, նույնպես և սերմերի թիվը ու կշիռը, ավելի բարձր է, քան կրկնակի ինքնափոշոտու-

միջ ստացված բույսերի մոտ: Բացառությամբ է կազմում № 915 սորտը, որի մոտ հումքի կշիռը մնացել է անփոփոխ:

Ե Ջ Բ Ա Կ Ա Յ Ո Ւ Թ Յ Ո Ւ Ն Ն Ե Բ

1. Բամբակենու մեկուսացված ծաղիկներից ստացված սերմերը շուտ են ծլում. դաշտային պայմաններում նրանց ծլունակությունն անհամեմատ բարձր է, բայց տալիս են դաժը կենսունակություն ունեցող բույսեր:

2. Մշտմիջ մինչև 5-րդ տերեւների երևալը մեկուսացումից ուտացված բույսերն աճում են սովորականից արագ. ծաղկման շրջանում այդ տարրերությունը թուլանում է, իսկ հասունացումը բնական ինքնափոշոտումից ստացված որոշ սորտերի մոտ 1—2 օր ավելի շուտ է կատարվում:

3. Կրկնակի մեկուսացման հետևանքով սերմերի և հումքի կշիռը, ինչպես նաև սերմերի թիվը, պակասում է:

Հայկական ՍՍՌ Գիտությունների Ազգային ակադեմիայի
Բույսերի Գենետիկայի և Սելեկցիայի ինստիտուտ:

Պ. Մ. Нубарян

Влияние изолированного самоопыления на потомство хлопчатника

В ы в о д ы

1. Полученные от изолированных цветков хлопчатника семена при посеве всходят раньше контрольных растений, особенно в полевых условиях, но растения от этих семян менее жизнеспособны.

2. Растения от изолированного самоопыления от всходов до появления 5-го листа развиваются сравнительно быстрее. Эта разница слабеет в период цветения, а созревание у некоторых сортов наступает раньше на 1—2 дня.

3. Повторная изоляция цветка хлопчатника приводит к снижению веса семян, выхода волокна и количества семян.